

AW! NANG PIANDANG MAH SICIA!

Kadeih ngah lo, kadeih loh ngah,
Gennop gen kha lo, gen noploh gen kha,
Ka ut semlo, ka ut loh semkha zel ing.

Kadeih nei lo, neihloh teng deih,
Akisam zonglo, akisamlo teng zong,
Kisap lei lo, kisap loh peuh leikha zel ing.
Kisap en lo, akisam lo teng en,

Kisap namun pai lo, kisap loh namun peuh kinpai mahmah.
Akisam teng ne khalo, akisamlo tata hahnek kha,
Akisam te dawn lo in, akisamlo tata hahdawn kha thei zel ing.
Athupi tata nunu'n in, athupi khollo peuh masak kha ing.
It lohding pi it kha in, it ding te it zokei khazel ing.

Kei kimu masa lo in, mipeuh mu masa kha pahpah ing.
Akisamte ngaihsun lo in,
akisam lo peuh ngaihsun masa kha zel ing.
Simding kilawm laite simlo in,
athupi lualo laite simmasa thei zel ing.

Tua hi a, Koi koi ah om mah taleng,
kakihtaak pen thukhat om hi.
Tua thu in, kei ma sungah anungta,
kei mah tawh a om khawm den,
Utna, deihna cihte masak nop na
lungsim ahihi. Aw! Cikciangin hi teng nunu'n in;

Ahoih beksem, Ahoih bek pau,
Ahoih bekgen, Ahoihna bek mu in,
Ahoih nuntak na...ka neizo taktak zentam maw..?

Hici pimah tawh Topa' na semsem ding hizen maw...
Nonghehpihna bek muanging, Topa...! Kanun zia..aw, nang
piandang mahsi cia maw!

(Leuven-8-11-2011)